



Waraka wa Sala wa Mwezi Januari 2026

NIA ZA SALA ZA BABA MTAKATIFU

Kila mwezi, Baba Mtakatifu huukabidhi Mtandao wake wa Sala Ulimwenguni nia za sala. Nia hizi hutuelekeza kujiunga naye katika kujali utu na utume wa kanisa. Nia hizi ni wito kwa ulimwengu wote kuziweka sala zetu katika matendo mahsusi; ni dira ya utume wa huruma kwa ulimwengu.

Nia ya Sala ya Papa, Januari 2026:

Kwa ajili ya kusali kwa kutumia Neno la Mungu: Tuombe ili kusali kwa kutumia Neno la Mungu kuwe kirutubisho kwa maisha yetu na chanzo cha matumaini katika jumuiya zetu, na msaada wa kujenga Kanisa la kidugu na kimisionari zaidi.

Soma zaidi: <https://www.popesprayer.va/pray>

SALA YA MWEZI JANUARI 2025

Kwa Jina la Baba, na la Mwana, na la Roho Mtakatifu. Amina.

Bwana Yesu, Neno Uliye hai wa Baba,
ndani Yako tunapata nuru inayoongoza hatua zetu.
Tunajua kwamba, moyo wa mwanadamu hautulii,
una njaa ya kupata ukweli,
na ni Injili yako pekee ndiyo inayoweza kuipa amani na utulivu.

Tufundishe kukusikiliza kila siku katika Maandiko Matakatiifu,
tujiruhusu sauti yako itupe changamoto,
na kufanya maamuzi yetu kwa ukaribu wa Moyo wako Mtakatifu.
Neno lako liwe lishe tuwapo dhaifu, tumaini tuwapo gizani,
na nguvu ya jumuiya zetu.

Bwana, Neno lako kamwe lisikose kuwa midomoni au mioyoni mwetu.
Neno hili linatufanya kuwa wana, kaka na dada,
wanafunzi na wamisionari wa Ufalme wako.
Utufanye kuwa Kanisa linalo sali kwa Neno,
lililo msingi wa ujenzi wake;
na lieneze Neno kwa furaha,
ili katika kila mtu tumaini la ulimwengu mpya liweze kuzaliwa upya.

Imani yetu ikue katika kukutana nawe kupitia Neno lako,
na kutoka moyoni tujongee kuwaelekea wengine,
ili kuwahudumia walio wahitaji zaidi,
kuleta msamaha, kuondoa utengano,
na kutangaza uzima wa milele. **Amina.**



SALA YA MAJITOLEO YA KILA SIKU

Ee Baba mwema, natambua uko hapa pamoja nami.
Nakuja mbele yako katika siku hii mpya.
Weka moyo wangu kwa mara nyingine tena
karibu na Moyo wa Mwanao Yesu,
anayejitoa kwa ajili yangu na anayekuja kwangu katika Ekaristi.
Roho wako Mtakatifu anifanye kuwa rafiki na mtume wake,
aliye tayari kwa utume wake wa huruma ulimwenguni.

Ninaweka mikononi mwako furaha na matumaini yangu,
kazi zangu na maumivu yangu, mimi mzima na kila kila kitu nilichonacho,
kwa kushirikiana na kaka na dada zangu
wa Mtandao huu wa Sala Ulimwenguni.

Pamoja na Mama Maria, ninakutolea siku yangu
kwa ajili ya utume wa Kanisa
na kwa nia ya Sala ya Baba Mtakatifu [na Askofu wangu] kwa mwezi huu.
Amina.

MTAZAMO WA MOYO

Kulisha mioyo yetu kwa kusali na Neno la Mungu

Kumsikiliza Mungu ili uishi vema,
usiache siku ipite bila kupokea Neno kutoka kwa Bwana.
Na Neno hilo likuvutie kutenda jambo, kuwa na mwelekeo fulani au kufanya
uamuzi.

Kwa kuwa Neno, linaposaliwa,
*hushibisha roho,
hunururisha tumaini,
na hututuma kufanya utume.*

(Cf. Hatua ya 1 ya Njia ya Moyo, Mizizi Katika Upendo).

